



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

24. Dies Octob. Vera religio, in unius constat veri Dei servitio. S.  
Fulgentius ad Donatum.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Octob.

Tessera.

845

vivere, cui omnia vivunt, qui est vita tuæ vitæ. Mundum ergò desere, & illi servire desine, dum tempus est. Sic te adhortante Augustino : (a) *Corrigant se, qui tales sunt, dum vivunt, ne postea velint, & non possint, quia subito venit mors, & non est qui corrigatur, sed in ignem mittatur.* Utere tempore : enimverò,

*Tempus deslendi, nunc, & peccata luendi.*

## 24. DIES OCTOB.

Vera religio, in unius constat veri Dei servitio.

*S. Fulgentius ad Donatum.*

Dei in I. **S**ervire famulum Domino, est æquum : servire hominem Domino dominantium, est plus quam æquum, quia est æquitas. Omnis religio constat in unius Dei servitio : alia omnis irreligiosa est religio. Cujus ergò suasimus amorem, superest, ut pro virili, persuadeamus erga eum honorem, utpote cui soli debetur ab omnibus omnis honor. Hunc maximè prodimus obsequiorum officiis : officia extorquebunt benè expensa, Dei in nos immeritos merita. Primum honoris obsequium sit, illum ut par est, timere. Breviter, sed nervosè Tertullianus; (b) *Hominis timor, Dei est honor.* Vis causam timendi? suggeret Josephus Judæus. (c) *Qui Deum respicere suam vitam credunt, delinquere non presumunt.* Expectas jam, ut recenseam ejus beneficia? Quid volo revocate ad numerum, quæ sunt innumerabilia? (d) *Suspice calum, & numera stellas, si potes.*

(a) *De Temp.* 164. (b) *De pœnit.* (c) *Contra Apion.* l. 2. (d) *Gen.* 15. 5.

tes. Citiùs, & faciliùs poteris, quod non potes, numerare stellas cœli, quàm beneficia Dei. Non tot in cœlo lucent sidera, quot in tua cœlesti Anima elucescent Dei munera. Sed agamus per personam Arithmetici, & incipiamus inire numerum. Ingens fuit beneficium, quod Pater nos creaverit, non rogatus ab ullo: quod Filius nos redemerit, non adjutus ab ullo; & super omnia, quod Spiritus sanctus nos Christianos elegerit, nemine promerente. Magnitudinem hujus beneficii, paucis exponit Arnobius: (a) *Christianus ni fueris, spem salutis habere non poteris. Quis profuisset nobis totius mundi Monarchia, si non fuisset in Christianæ Ecclesiæ Hierarchia? Cuius verissimum sit illud Lactantii: (b) Ecclesia Catholica, est templum Dei, quo si quis non intraverit, vel à quo quis exiverit, à spe vitæ, ac salutis æternæ alienus est.*

II. O Bonitas ineffabilis, quia inestimabilis. Quot Mauri, Turcæ, Judæi Ethnicis, Hæreticis, fuissent vocati in admirabile illud lumen, ad quod me, non rogatus à me, vocasti, quando pluribus partibus me Ecclesiam tuam illustrassent meritis, te honorassent suis obsequiis. Et si me voluisses esse Hæreticum, inter Hæreticos vixissem ut Ethnicus, inter Ethnicos, ut atheus; inter atheos, ut atheorum primus. Itaque reliquisti illos omnes, quos si vocasses, fors propter te reliquissent omnia, & elegisti me millibus, à quibus præsciebas te offendendum tot sceleribus. Tu cur feceris, nôsti, & ego, quid hîc dicam, nescio. Sunt hæc judicia tua, mira quidem, sed tamen justa, quæ par est potiùs admirari, quàm scrutari, honorare, quàm investigare.

(a) L. 3. (b) 4. ult.

(a) *Dei iudicia nemo plenè comprehendit, justè nemo reprehendit*: ut benè Augustinus, qui omnia optimè. Interim qui Deum expertus es in te non modò voluntate benevolum, sed liberalitate beneficum, non tantum impensè bonum, sed profusè blandum, noli tibi nimium blandiri: quantum tibi gratularis ob accepta à Deo beneficia, tantum metuas, & angaris, ob futura ejus iudicia. Hoc iptum vult Chrylostomus. (b) *Quantò majora beneficia sunt hominibus constituta, tantò graviora peccantibus iudicia.* Consonat S. Ambrosius. (c) *Quò indulgentior liberalitas, eò inexcusabilior pervicacia.* Vm' tertium? *Cum augentur dona, rationes etiam crescunt donorum.* Dei dona accipienti non sunt bona, nisi qui acceperit sit bonus.

III. Multa tibi sunt facienda quia Deus tibi benefecit, dum hominem fecit, hoc est, quia es præditus ratione, sed multò plura quia es imbutus vera religione. Parum tibi prodest recta ratio, si desit vera religio. Attende, & expende verba Cypriani, ut impleas officium hominis Christiani.

(d) *Cui plus dignitatis adscribitur, plus exigitur servitutis.* Vera ergò amplitudo non ex eo pendet, quod quis ampla habeat, sed amplius valeat. Non ideò Rex est laudabilis quia præcellit aliis dignitate, nisi præ aliis excellat Virtute. Hoc est, tum demū Rex est laudabilis, si is cui à multis servitur, ipse uni serviat Deo. Consentit mecū D. Augustinus. *In hoc serviunt Reges Deo, si in regno suo bona jubeant, mala prohibeant,*

non

(a) 2. *De civit. c. 25.* (b) *Discip. de tempore.* (c) *In Luc. c. 20.* (d) *De simplic. cleric.*

non solum qua pertinent ad societatem humanam, sed  
 qua ad religionem Divinam. Ab arbutula humili, &  
 fragili, praeter fructum suo tempore reddendum, ni-  
 hil exigitur; ab excelsa vero, speciosa, & spatiosa ar-  
 bore, ut multa praebet multis. Quae illa? Frigentibus  
 ligna, fessis umbram, eturientibus fructus, tum ut  
 ipsa adversus omnes ventorum impetus se teneat.  
 Tu Christiane es inter homines, quod Cedrus Li-  
 bani inter arbores. Es arbor bona, expectat a te ce-  
 lestis ille agricola, ut facias fructus bonos. Christia-  
 nus es, hoc est, Princeps es; de Christianis enim di-  
 ctum est illud: (a) *Constituit eos Principes super omnem*  
*terram.* Quid te abjicis infra terram, quem Deus  
 constituit principem super terram? Exclamat Tul-  
 lius: (b) *O Di immortales, quam magnum est perso-*  
*nam tueri Principis!* O Deus immortalis! quam mag-  
 num est tueri personam Christiani hominis! sis ergo  
 memor illius carminis:

*Quantò major eris, perfectior esse teneris.*

## 25. DIES OCTOB.

Imitare si potes, apis aedificia, formicae stabula,  
 bombycis stamina. *Tertullianus adversus Mar-*  
*cion, libr. 1.*

Deus mi- I.  
 rabilis in  
 animal-  
 culis.

**D**Eum oportet non modo di-  
 ligere, & colere, ut prius do-  
 cui, sed admirari. Hoc nos  
 docebunt his trinis punctis,  
 non procera animalia, sed pusilla animalcula, Apis,  
 Formica, Bombyx; in illis minimis, miraberis Deum  
 maximum. Ordior ab Apibus: Quam est apis exilis,  
 & con-

(a) *Psal. 44. 17.* (b) *Philip. 2.*